

摘藻堂四庫全書薈要

史部

欽定四庫全書薈要

史部

御批歷代通鑑輯覽卷二十九



詳校官助教<sub>臣</sub>常循

欽定四庫全書蒼要卷七千四百八十二

御批歷代通鑑輯覽卷二十九

蜀漢

延熙十二年

魏嘉平元年吳赤烏十二年

春正月魏司馬懿殺曹

爽及何晏等夷其族

曹爽驕奢無度飲食衣服擬于乘輿兄弟數俱出遊

司農桓範

字元則沛國人

謂曰總萬幾典禁兵不宜並出若

有閉城門誰復內人者與曰誰敢爾耶

與所親李勝出刺荊州過

辭懿懿令兩婢侍持衣衣落指口言渴婢進粥懿不持杯而飲粥流露胸聲氣纔屬言年老枕疾死在旦夕并州近胡好為之備且以子師昭為託勝曰還泰本州非并州也懿復錯亂其辭曰君方到并州勝曰當忝荊州懿曰年老意荒不解君言今為本州好建功勲勝退告與曰司馬公尸居餘氣形神已離不足慮矣故與等不復設備

是月魏主芳謁高平陵與弟義訓彥

皆從懿與師

字子元晉

昭

字子上晉

謀以皇太后令

閉諸城門勒兵據武庫召司徒高柔太僕王觀

字偉臺東

即廩分據與義營奏與背棄顧命敗亂國典僭擬專

擁有無君之心皇太后令罷與兄弟吏兵以候就第  
臣輒力疾將兵屯洛水浮橋伺察非常與得奏迫窘  
不知所為懿使與所親信說與宜早自歸罪唯免官

而已

懿以太后令召桓範範欲應命其子曰車駕在外不如南出範乃出懿謂將濟曰智囊往矣濟

曰駕馬戀棧豆必不能用也範勸與以天子詣許昌發四方兵自輔與疑未決範謂義曰此事昭然卿用讀書何為今卿門戶求貧賤復可得乎且匹夫賈一人尚欲望活卿與天子相隨令于天下誰敢不應今詣許昌不過中宿所愛穀食而大司農印章在我身義兄弟不能從自甲夜至五更與乃授刀于地曰我亦不失作富家翁範哭曰曹子丹佳人生汝兄弟徒損耳何圖今日坐汝族滅也

與乃通懿

曹同請建同姓  
興曹植求通親  
親名為國計實  
濟私智然爾時  
司馬羽翼已成  
方且欲置諸王  
公子郭矣同奏  
非徒不足以寤

奏請下詔免己官奉駕還宮與兄弟歸家懿發吏卒  
圍守之有司奏黃門張當私以所擇才人與與疑有  
姦收付廷尉考實辭云與與何晏鄧颺丁謚畢軌李  
勝等謀逆于是收與義等并桓範張當俱夷三族  
先  
宗室曹同上書曰古者必建同姓以名親親必樹異  
姓以名賢賢親疎並用故能保其社稷今州郡牧守  
皆跨有千里兼軍務之任或比國數人或弟兄並據  
而宗室子弟王空虛之地君不使之民曾無一人問  
厠其間與相維制非所以強幹弱枝備萬一之虞也  
語曰百足之蟲至死不僵以其扶之者衆也此言雖  
小可以譬大同欲惑悟曹與與不能用而何晏等方  
用事自以為一時才傑人莫能及嘗為名士品目曰

爽乃適足以忤  
懿耳

唯深也故能通天下之志夏侯太初是也唯幾也故  
能成天下之務司馬子元是也唯神也故不疾而速  
不行而至吾聞其語未見其人蓋以自況也晏聞平  
原管輅明術數請與論易鄧颺在座謂輅曰君自謂  
善易而語不及易中詞義何也輅曰夫善易者不言  
易也晏笑而贊之曰可謂要言不煩因謂輅曰試為  
作一課當至三公不久問連夢青蠅數十來集鼻上  
何也輅曰元凱輔舜周公佐周皆以和惠謙恭享有  
多福今君侯位尊勢重而懷德者鮮畏威者衆殆非  
小心求福之道願君侯哀多益寡非禮不殺三公可  
至青蠅可驅也颺曰此老生之常談輅曰老生者見  
不生常談者見不談輅舅聞之責其言太切輅曰與  
死人語何所畏耶舅怒以為狂及何鄧敗輅舅謂輅  
曰爾前何以知之輅曰鄧之行步筋不束骨脉不制  
肉起立傾倚若無手足此為鬼踪何之視候視不守  
宅血不華色精爽煙浮容若槁木此為鬼幽二者皆

非起福之象也晏性自喜粉白不去手行步顧影尤好老莊書與夏侯元荀繁王弼之徒競為清談祖尚虛無謂六經為聖人之糟粕由是天下士大夫慕效之遂成風流不可復制

管輅字公明平原人荀繁

字奉倩或之子王

弼字輔嗣山陽人

魏司馬懿自為丞相加九錫復辭不受

懿為丞相汪克寬以提要本作

自為今依之

魏護軍夏侯霸

字仲權淵之子

來奔

霸為曹爽所厚以父死于蜀常切齒有報仇之志為征蜀護軍統屬征西征西將軍夏侯元霸之從子爽



外弟也至是司馬懿召元詣京師霸以典既誅而元  
又被徵恐禍及遂來奔姜維問之曰懿既得政當復  
有征伐之志不霸曰彼方營立家門未遑外事有鍾  
士季鍾繇之子名會士季其字也者其人雖少若管朝政吳蜀之  
憂也

秋姜維伐魏雍州不克

維攻魏雍州依麴山築二城

今鞏昌府岷州有古麴城即維所築

使句

安

句音鉤句芒氏之後以名為氏

李韶守之聚羌胡質任

謂諸羌所質臣子

侵逼諸郡魏郭淮使刺史陳泰

字元伯  
羣之子

進兵圍之斷

其運道及城外流水將士窘困分糧聚雪以引日月

維引軍救之自出牛頭山

明史地理志  
在岷州東南

與泰相對泰

勅諸軍各堅壘勿與戰遣使白淮使趣牛頭截其還

路淮從之進軍洮水

注見前

維懼遁走安等降魏

庚午十三年

魏嘉平二年吳  
赤烏十三年

秋吳廢其太子和殺魯王霸

及將軍朱據冬十一月立子亮為太子

初潘夫人有寵于吳主權生少子亮權愛之全公主

既與太子和有隙

事具前

欲豫自結數稱亮美權以魯

王霸結朋黨以害其兄心亦惡之謂侍中孫峻

字子遠吳

宗室

曰子弟不睦將有袁氏之敗為天下笑若使一人

立者安得不亂乎遂有廢和立亮之意然猶沉吟歷

歷至是乃幽太子和將軍朱據諫不聽據與尚書僕

射屈晃

汝南人

率諸將吏泥頭自縛連日詣闕請和而

無難督陳正

吳置左右無難營又置五營各有督領之

及五營督陳象各

上書切諫吳主大怒族誅正象牽據晃入殿杖之一

百遂廢和為庶人徙故鄣

漢縣吳屬吳興郡故城在今浙江湖府府吉安州

賜霸死殺楊竺及寄等據尋亦賜死遂立亮為太子

明年立藩氏為皇后

辛十四年

魏嘉平三年吳大元元年

夏四月魏司馬懿殺王凌及楚

王曹彪

字朱虎武帝子由白馬王徙封楚

遂置諸王公于鄴

初凌以將軍假節督楊州西其甥令狐愚

晉魏犢子穎封于令

狐後以

為兗州刺史甥舅並典重兵專淮南之任陰

謀以魏主制于彊臣楚王彪有志勇欲共立之迎都

許昌會愚以病卒至是凌遣將軍楊宏以廢立事告

兗州刺史黃華華宏連名以白司馬懿懿將中軍乘

水道討凌先下赦赦凌罪又為書諭凌已而大軍掩

至百尺

水經注沙水過陳縣東南注于潁水水次有大堰即古百尺堰陳縣今陳州府淮寧縣是

凌勢窮面縛水次懿解其縛送詣京師道飲樂死懿

至洛陽窮治其事諸相連者悉夷三族發凌愚冢剖

棺暴尸賜楚王彪死盡錄諸王公置鄴使有司察之

不得與人交關

秋八月魏太傅司馬懿卒其子師自為撫軍大將軍錄

尚書事

綱目于司馬懿父子高徽宇文泰之死皆准曹操例具官書卒以其為魏晉齊周之祖也今依

之

冬十一月吳以諸葛恪為太子太傅總統國事

吳主權頗寤太子和之無罪會祀南郊得風疾欲召

和還全公主及侍中孫峻中書令孫宏固爭之乃止

權以太子亮幼議所付託峻薦恪可付大事權嫌其

剛狠自用峻曰朝臣才無恪者乃召之

恪將行呂岱咸之曰世方

多難子每事必十思恪曰昔季文子三思而後行夫子曰再斯可矣今君令恪十思明恪之方也公無以答時咸謂恪至建業見吳主于臥內受詔床下以大

將軍領太子太傅孫宏領少傅有司諸務一統于恪惟殺生大事乃以聞

費禕北屯漢壽

本漢葭萌縣蜀漢改名故城在今四川保寧府昭化縣

以陳祗守

尚書令

禕還成都望氣者云都邑無宰相位乃復北屯漢壽

禕秉鉤專閭當以君國為重豈宜自計乃惑于術數率爾遷屯

壬十五年

魏嘉平四年吳主孫亮建興元年

春正月魏司馬師自為大

鄙陋若此安足  
與任大事亮素  
以忠純自禱失  
精鑒哉

將軍

夏四月吳主權卒太子亮立以諸葛恪為太傅

吳主權病篤

權后使人問漢吕后稱制故事左

召諸

葛恪孫宏太常滕胤

字承嗣北海劇人

及將軍呂據

字世議

侍中孫峻屬以後事而卒

宏素與恪不平秘不發喪欲矯詔誅恪峻以告恪恪

請宏咨事于坐殺之乃發喪

謚權曰大皇帝太子亮即位以恪為

太傅胤為衛將軍吕岱為大司馬恪乃命罷視聽息

校官

胡三省注吳主權置校官專任以為耳目今息校官即所謂罷視聽也

原逋責除



關稅崇恩澤衆莫不悅

吳徙其齊王奮

字子揚權第五子

于豫章

先是吳主權立故太子和為南陽王居長沙奮為齊

王居武昌休

字子烈權第六子後立為景帝

為琅邪王居虎林

即武林城

在今江南池州府貴池縣

至是諸葛恪不欲諸王處濱江兵馬之

地乃徙齊王奮于豫章琅邪王休于丹陽奮不肯徙

恪遺之賤曰明鑑所以照形古事所以知今大王宜

深以魯王為戒

謂魯王霸

若棄忘先帝法教懷輕慢之心

臣下寧負大王不敢負先帝奮懼遂行

冬十月吳諸葛恪修東興堤

在今江南和州含山縣西南接廬州府巢縣界

十

二月魏人擊之恪與戰于徐塘

胡三省注東興近地

魏人敗走

初吳大帝築東興堤以遏巢湖後廢不治至是諸葛

恪改作大堤左右結山峽

與夾通

築兩城

水經注湖水東逕右塘山

上有城塘即東興堤城即關城也胡三省曰濡須山在和州謂之東關七寶山在無為軍謂之西關兩山

對峙中為石梁鑿石通水

各留千人使全端留略

留氏衛留封人之後

守之

魏諸葛誕言于司馬師曰今因吳內侵使文舒王昶

逼江陵仲恭

母 卬 儉

向武昌以羈吳之上流然後簡精

卒攻其兩城可大獲也是時征南王昶征東胡遵

安 定

臨 涇 人

鎮南母卬儉各獻征吳之策

詔以問尚書傅報曰吳為寇六十

年君臣相保言出同患設令立船津要則彼堅城據險橫行之計其殆難捷今惟有擇地居險奪其肥壤使還墜地一也兵出民表寇鈔不犯二也招懷近路降附日至三也羅落遠設間構不來四也賊退其守細作易立五也坐食積穀士不運輸六也豫陳時聞討襲速次七也凡此七者軍士之急務也不進據則賊擅便資據之則利歸于國不可不察也師不從

詔昶等三道擊吳昶攻南

郡儉向武昌遵誕攻東興恪將兵四萬救東興遵等

作浮橋以渡陳于堤上分兵攻兩城城高峻不可拔

恪使將軍丁奉

字承淵廬江安豐人

呂據為前部從山西上奉

曰諸軍行緩若賊據便地則難與爭鋒我請趨之乃

辟

讀如聞

諸軍使下道自率麾下三千人徑進時北風

舉帆二日至東關遂據徐塘會天寒雪遵方置酒高

會奉見其前部兵少使兵皆解鎧去矛戟但撓矜刀

楯裸身緣堦魏人望見大笑之不卽嚴兵吳兵得上

便鼓譟斫破其前屯據等繼至魏軍驚擾散走爭渡

橋壞相蹈藉溺死者數萬吳護車乘牛馬驢騾各以

千數資器山積振旅而歸昶儉聞東軍敗各燒屯走

魏廷欲敗諸將師曰此我不聽公休過也諸將何罪  
悉宥之師弟安東將軍昭時為監軍惟制昭爵而已

癸酉

十六年

魏嘉平五年  
吳建興二年

春正月盜殺大將軍費禕

初姜維攻魏西平

後漢建安中新金城置西平郡今甘肅西寧府是

獲中郎

郭循以為左將軍循欲刺帝不得近每因上壽且拜

且前為左右所遏事輒不果至是費禕與諸將大會

于漢壽歡飲沈醉循刺殺之禕汎愛不疑待新附太

光武推心置腹  
何嘗不信任新  
附或且因以更  
功要之駕然有

道耳禱之于郭  
循平日既非深

知且為將而沉

泊于酒以致遭

患其失在棉更

非岑來可比

過張嶷嘗與書引岑彭來歙為戒禱不從故及

二月吳諸葛恪擊魏

吳軍還自東興加諸葛恪荆揚二州特督中外諸軍

事恪遂有輕敵之心復欲出軍諸大臣以為數出疲

勞固諫不聽恪因著論諭眾

論曰昔秦但得關西耳尚并合六國今以魏比

秦土地數倍以吳屬比六國不能半也所以能敵之者但以操時兵眾于今適盡而後生者未長又司馬懿預覽以其子幼弱專國雖有智計之士未得施用是其厄會也若順眾人之情懷偷安之計以為長江之險可以傳世不論魏之終始而以今日遂輕其後此吾所以長歎息者也昔漢祖幸已自有三秦何不

閉關自娛而數出攻楚豈敢鋒刃而忘安寧哉每鑒  
荆邯之說近見家叔父陳表未嘗不喟然也荆邯

說公孫述諸葛亮  
出師表俱見前

衆人皆心以為不可莫敢復難獨

滕胤謂曰君前破彊敵天下震動今猥以勞役之後  
興師出征民疲力屈遠主有備若攻城不克野掠無  
獲是喪前勞而招後責也恪又不聽遂大發州郡二  
十萬衆復擊魏

夏四月姜維伐魏圍狄道

注見前

維負其才武欲誘諸羌胡以為羽翼謂自隴以西可

棉之言似是而非  
試思後主昏庸

信任奸宦安能保國治民若姜維雖近冒昧然其志固在乘機恢復也少與之兵是自敗國事安得謂忠屈腐者流但言息兵則撫掌大悅宜其以禕為是耳

斷而有每欲大舉費禕嘗裁制不從與兵不過萬人曰丞相猶不能定中夏況吾等乎不如保國治民謹守社稷如其功業以俟能者無為激岸決成敗于一舉若不如志悔之無及及禕死維得行其志遂將數萬人伐魏

### 圍狄道

### 吳師圍魏新城不克

吳諸葛恪入淮南圍新城姜維復在狄道司馬師以

二方皆急而諸將意沮問于虞松

松曰昔周亞夫堅壁昌邑而吳楚自

敗事有似弱而強者不可不察也今恪悉其銳東足以肆暴而坐守新城欲以致一戰耳若攻城不拔請



戰不可師老衆疲勢將自逸諸將之不進乃公之利也姜維投食我麥非深根之寇且謂我并力于東是以徑逃今若使關中諸軍倍道急赴出其不意殆將走矣師曰善乃使郭淮陳泰解

狄道之圍敕毋邱儉等按兵自守以新城委吳泰至

洛門

注見前

維以糧盡引還揚州牙門將張特

字子產涿邱人

守新城吳人攻之連月城將陷特謂吳人曰今我無心復戰也然城雖陷尚有不欲降者我當還為相語明早送名且以我印綬去為信吳人聽之特乃夜撤諸屋材柵補其闕為三重明日謂曰我但有鬪死耳

吳人大怒進攻之不能拔會大暑吳軍病者大半死

傷塗地恪乃引去

鄧艾言于司馬師曰孫權已沒大  
臣未附恪不念撫恤上下以立根

基乃競于外事載禍  
而歸其志可恃也

冬十月吳殺其太傅諸葛恪以孫峻為丞相峻殺南陽

王和

恪還建業愈治威嚴多所罪責復嚴兵欲向青徐孫  
峻因構恪于吳主亮云欲為變遂與亮謀置酒請恪  
伏兵殺之并夷三族臨淮臧均表請聽故吏收葬從

之

初恪少有盛名大帝深器重之而恪父瑾常以為戚曰非保家之子也陸遜常謂恪曰在我前者吾

必奉之同升在我下者則扶接之今君氣陵其上意蔑其下非安得之基也至是果敗

吳羣臣

表峻為丞相大將軍都督中外諸軍事峻驕矜淫暴

國人側目南陽王和妃張氏恪甥也峻因此收和印

綬遣使者賜和死

和將死與張妃別妃曰吉凶當相隨終不獨生亦自殺其妾何氏曰

若皆從死誰當字孤遂撫育其子

錯及諸姬子德謀俊皆賴其全

甲十七年

魏主曹髦正元年吳五鳳元年

春二月魏司馬師殺中書

令李豐

字安國馮翊人

及太常夏侯元光祿大夫張緝

字敬仲高陵人

遂廢其后張氏

胡三省曰曹操弑漢后伏氏而司馬師殺魏后張氏此不惟天道亦操有以教

也之

初李豐年十七八已有清名其父太僕恢不悅敕使閉門斷客後司馬師秉政以豐為中書令時太常夏侯元有天下重名以曹爽親故不得在勢任居常怏怏張緝以后父家居亦不得意豐皆與親善雖為師所擢用而心常在元魏主芳又數獨召豐語師知其議已詰之不以實告師怒以刀鐃築殺之遂收元緝

下廷尉鍾毓

字稚叔  
鍾之子

案治云豐等謀誅大將軍以元

代之緝知其謀遂皆夷三族并廢張后

夏侯霸之入  
蜀也邀元與

俱不從及司馬懿卒中領軍許允謂曰無復憂矣元  
歎曰此人猶能以通家年少遇我子元子上不我容  
也及下獄元不肯下辭鍾毓夜為辭流涕示之元惟  
顧之而已及就東市顏色不變舉動自若後允出為  
鎮北將軍與魏主芳別涕泣歎歎師諷有司奏其罪  
徙樂浪道死正始中元及何晏鄧颺俱有盛名欲交  
傅嘏嘏不受荀彧怪而問之嘏曰泰初志大其量能  
合虛聲而無實才何平叔言遠而情近好辨而無誠  
所謂利口覆邦國之人也鄧元茂外要利名內無關  
鑰責同惡異多言而妬前多言多囂妬前無親以吾  
觀此三人皆將敗家遠之猶恐禍及

况眠之乎

許允字士宗高陽人

夏姜維伐魏

維出隴西與魏將徐質戰敗之拔河間

胡三省曰當作河關河

關故縣在今

甘肅河州

狄道臨洮三縣遷其民還

將軍張嶷戰死所殺傷亦

過當詔封

其子為侯

秋九月魏司馬師廢其主芳為齊王遷之河內冬十月

迎高貴鄉公髦

字彥士文帝孫東海定王霖子

立之

魏主芳以李豐之死意殊不平安東將軍司馬昭鎮

許昌詔召之使擊姜維九月昭領兵入見芳幸平樂

觀以臨軍過左右勸因昭辭殺之勒兵以退大將軍  
己書詔于前芳懼不敢發司馬師以太后令召羣臣  
議以魏主荒淫無度褻近倡優不可以承天緒羣臣  
莫敢違乃奏收璽綬歸藩于齊

芳與太后垂泣而別  
乘王車從太極南殿

出羣臣送者數十人太尉司馬孚悲不自勝  
餘多流涕司馬孚字叔達懿之次弟也

師將立

彭城王據

文帝子

太后曰彭城王季叔也今來我當何

之高貴鄉公文皇帝長孫明皇帝弟子于禮小宗有  
後大宗之義其詳議之師乃召羣臣議迎髦于元城

先是師遣郭芝收芳璽綬太后令旁侍御引璽綬置  
坐側及羣臣議定師又使請璽綬迎髦太后曰我見  
高貴卿公小時識之  
十月髦至元武館  
胡三省注在  
世山之尾直  
欲以璽綬手授之

洛城羣臣奏請舍前殿髦以先帝舊處避止西廂羣臣

又請以法駕迎不聽入洛陽羣臣迎拜髦下輿答拜  
儼者請曰儀不拜髦曰吾人臣也遂答拜至止車門  
左右曰舊乘輿入髦曰吾被徵未知所為遂步至太  
極東堂見太后其日即位  
時年十四百僚皆欣欣焉

乙亥十八年

魏正元二年  
吳五鳳二年

春正月魏揚州都督母邱儉刺



史文欽

字仲若  
諫郡人

起兵討司馬師師擊敗之欲奔吳儉走

死

初欽以驍果見愛于曹爽而儉素與夏侯元李豐善

至是皆不自安

儉子甸謂儉曰大人居方嶽重任國  
家傾覆而安然自守將受四海之責

矣

于是儉矯太后詔起兵壽春移檄州郡以討司馬

師

又遣使邀鎮南將軍  
諸葛誕誕斬其使

儉將五六萬衆渡淮至項

注見

前

堅守使欽在外為游兵時師新割目瘤創甚或謂

不宜自行河南尹王肅尚書傳嘏中書侍郎鍾會勸

師自行師蹶然起曰我請興疾而東以弟昭兼中領軍留鎮洛陽以荊州刺史王基為行監軍基言于師曰淮南之逆非吏民思亂也畏儉等迫脇是以屯聚若大兵一臨瓦解必矣師從之以基為前軍進據南

頓

注見前

儉等亦往爭聞基先到乃還保項吳孫峻率

兵襲壽春師命諸軍深壁以待來軍之集諸將請進攻項師曰淮南將士本無反志儉欽欺誘與之舉事小與持久詐情自露將不戰而克矣乃遣諸葛誕自

安風

漢縣魏于此置郡故城在今江南潁州府霍邱縣

向壽春胡遵出譙宋

譙漢縣建安末改郡今潁州亳州是宋為睢陽故宋都地也

絕其歸路儉欽進不

得鬪退恐壽春見襲計窮不知所為將士家皆在北

降者相屬兗州刺史鄧艾將萬餘人趨樂嘉城

本漢博陽

縣王莽更名後漢省故城在今陳州府商水縣是

儉使欽襲之

師自汝陽潛兵就艾欽卒遇之

未知所為其子騫年十八勇力絕人謂之曰及其未定擊之可破也于是分為二隊夜夾攻之騫率壯士先至鼓譟軍中震擾師驚駭病目突出恐衆知之嚮被皆破欽失期不應會明騫見兵盛乃還欽引而東騫以匹馬拒追騎數十所向披靡人莫敢逼殿中人尹大目故曹氏家奴從師行知師目出啟云欽本明

公腹心素與大目相信乞為公追解之乃乘馬追欽謂曰君侯何苦不可復忍數日中也欽殊不悟乃更怒罵欲射之大目涕泣曰世事敗矣善自努力汝陽改城在商水縣

欽軍退儉恐懼

夜走壽春亦潰孫峻進至橐臯

注見前

欽以孤軍無繼

不能自立遂詣峻降儉走慎縣

注亦見前

人就殺之傳首

京師詔夷儉三族以諸葛誕為鎮東大將軍都督揚州諸軍事吳軍亦還

魏大將軍司馬師卒二月師弟昭自為大將軍錄尚書

事

師病篤還許昌昭自洛陽往省之師令總督諸軍而  
卒中書侍郎鍾會從師典知密事魏主髦詔敕尚書  
傅嘏以東南新定權留昭屯許昌為內外之援令嘏  
率諸軍還會與嘏謀使嘏表上輒與昭俱發還屯洛  
水南詔以昭為大將軍錄尚書事

會由是常有自矜之色嘏戒之曰子

志大其量而無業  
難為也可不慎哉

秋八月姜維伐魏敗其兵于洮西

洮水西

遂圍狄道不克

而還

姜維復議出軍征西大將軍張翼廷爭以為國小民

勞不宜黷武不聽維遂將數萬人至枹罕魏雍州刺

史王經

字彥章清和人

與戰于洮西大敗死者萬計還保狄道

城翼謂維曰可以止矣進或毀此大功為蛇畫足

陳軫

語見戰

國策姜維大怒遂圍狄道魏詔鄧艾行安西將軍

與征西將軍陳泰并力拒維泰進軍隴西

諸將皆曰王經新敗

蜀衆太盛不如據險自保觀釁待敵此計之得也泰曰維輕兵深入正欲與我爭鋒原野求一戰之利當高壁深壘挫其銳氣今乃與戰使賊得計經既破走維若以戰克之威追兵東向據櫟陽積穀之實招納

羌胡東爭關隘傳檄四郡此我之所惡也今乃以衆  
勝之兵摧峻城之下攻守勢殊客主不同吾乘高據  
勢臨其項領不戰必  
走矣遂進軍潛行  
夜至狄道于東南高山上多舉

烽火鳴鼓角維不意救兵卒至急攻不克乃遁而還

丙子十九年

魏甘露元年  
吳太平元年

夏四月魏司馬昭始服袞冕赤舄

魏主髦視學

初魏主髦宴羣臣于東堂與諸儒論夏少康漢高祖

優劣以少康為優至是幸太學與諸儒論書易及禮

諸儒莫能及常與中護軍司馬望

字子初  
字之子

侍中王沈

散騎常侍裴秀

字學秀河東聞喜人

及鍾會等講宴于東堂特

加禮異魏主性急請召欲速以望職在外特給追鋒

車虎賁五人每有會集輒馳而至

秋七月姜維伐魏與其將鄧艾戰敗績

姜維自狄道還駐鍾提

城名在甘肅階州成縣西北

魏人以其力

竭未能更出

安西將軍鄧艾曰彼有來勝之勢我有虛弱之實一也彼上下相習我將易兵

新二也彼以船行我以陸軍三也狄道隴西南安祁山各當有守彼專為一我分為四四也彼從安南因

食羌穀若趣祁山熟麥千頃五也賊有點計其來必矣

秋維復出祁山聞艾有



備乃回趨南安父與戰于段谷

今秦州清水縣有段谷水元和志野父敗

姜維于此

大破之死者甚衆蜀人由是怨維

八月魏司昭自為都督奏事不名假黃鉞

吳孫峻死以其從弟綝

字子通

為侍中輔政

先是吳將軍孫儀等謀殺峻事泄死者數千人并及

朱公主

朱據妻

至是將軍呂據當進軍淮泗峻入其營

餞之據軍伍嚴整峻惡之稱心痛去遂夢為諸葛恪所擊恐懼發病死以後事付綝

冬十月吳孫綝殺大司馬滕胤將軍呂據

吳將軍呂據在江都聞孫綝輔政大怒表薦滕胤為

丞相綝更以胤為大司馬出駐武昌未行據引兵還

約胤共廢綝胤遣從兄憲將兵逆據而使人趣胤行

胤懼勒兵自衛胤表胤反發兵攻圍之或勸胤曰引

兵至蒼龍門

吳建業官門

將士必委綝就公矣時夜已半

胤特與據期又難舉兵向官比曉據不至胤兵大會

殺胤夷三族或勸據奔魏據曰吾恥為叛臣遂自殺

緝多無禮將軍王惇與峻  
從弟憲謀殺之事泄皆死

# 魏以盧毓為司空

魏以盧毓為司空毓固讓司隸校尉王祥

字休徵琅邪臨沂人

詔不許

祥至孝繼母朱氏遇之無道祥愈恭謹朱氏子覽年數歲每見祥被箠輒涕泣抱其母

以非理使祥覽輒與俱及長娶妻母虐使祥妻覽妻亦趨之母為少止祥漸有時譽母深疾之密使酖祥覽徑起取酒祥不與母奪而反之後母賜祥饌覽輒先嘗母懼遂止漢末遭亂隱居三十餘年不應州郡之命母終毀瘁杖而後起徐州刺史檄祥為別駕委以州事政化大行時人歌之曰海沂之康實賴王祥

邦國不空別駕之

功王覽字元通

丁丑 二十年

魏甘露二年  
吳太平二年

夏四月吳主亮始親政

吳主亮親政事大將軍孫綝表奏多見難問又料兵

子弟十八以下十五以上三千餘人選大將子弟年

少有勇力者使將之日於苑中教習曰吾立此軍欲

與之俱長數出中書視大帝時舊事問左右侍臣曰

先帝數有特制今大將軍問事但令我書可邪

嘗食生梅

使黃門至中藏取蜜蜜中有鼠矢召問藏吏藏吏叩  
頭亮曰黃門從爾求蜜邪吏曰向求實不敢與黃門  
不服亮命破鼠矢矢中燥因大笑謂左右曰若矢先  
在蜜中中外俱濕今外濕裏燥必黃門所為也詰之

果服左

右驚悚

魏揚州都督諸葛誕起兵討司馬昭六月昭奉其主髦  
攻之吳人救之不克而還

誕素與夏侯元等友善元等死王凌母邱儉相繼誅  
滅誕內不自安乃傾帑賑施曲赦有罪以收衆心養  
輕俠數千人為死士又請增兵築城以備吳寇意欲

保有淮南

司馬昭初秉政長史賈充請遣泰佐慰勞  
四征且觀其志充至淮南見誕論時事因

曰洛中諸賢皆願禪代君以為何如誕厲聲曰卿非  
賈豫州子乎世受魏恩豈可以社稷輸人若洛中有

難吾當死之充默然退言于昭曰誕再在揚州得士  
衆心今召之必不來然反疾而禍小不召則反遲而  
禍大不如召之賈充字公閭達之子四征五月詔  
魏置征東征西征南征北四將軍是為四征

徵誕為司空誕遂殺揚州刺史樂綝歛屯田兵十餘

萬及新附四五萬人聚穀足一年食為閉門自守計

遣長史吳綱將小子覲至吳稱臣請救司馬昭奉魏

主髦及太后討之吳使將軍全子璠琮之全瑞唐咨利

人等與文欽同救誕六月昭督諸軍二十六萬進屯

邱頭今陳州府沈邱縣東有武邱本曰邱頭司馬昭更名使將軍王基陳騫字

淵矯之子

圍壽春會吳朱異率三萬人屯安豐

注見前

為欽

外勢基四面合圍擊欽異皆破走之吳孫綝大發卒

出屯鑊里

胡三省注在巢縣界

復遣異等解壽春圍魏人又擊

破之異走歸綝綝使異更死戰異以士卒乏食不從

綝怒斬異而還綝既不能援出誕而喪敗士卒自戮

名將吳人咸怨會全懌兄子輝等得罪于吳奔魏昭

偽作輝書告懌等言吳中怒諸將不能援壽春欲盡

誅之懌等恐遂率衆出降

誕將蔣班焦彝勸誕并力決死誕不從班彝踰城自

歸于昭

# 姜維伐魏

姜維聞魏分關中兵赴淮南欲乘虛向秦川率數萬

人出駱谷時長城

戊名在西安府盤屋縣水經注駱谷水流逕長城西是也

積穀

多而守兵少魏都督司馬望及鄧艾進據之以拒維  
維數挑戰不應是時維數出兵蜀人愁苦譙周作仇

## 國論諷之

戊寅景耀元年

魏甘露三年吳景帝孫休永安元年

春二月魏司馬昭拔壽



春殺諸葛誕

文欽教諸葛誕決圍而出不克復還城中食盡降者  
日衆欽欲盡出北方人省食與吳人堅守誕不聽由  
是爭恨遂殺欽欽子鴛虎踰城自歸于魏軍吏請誅  
之司馬昭曰欽子固應就戮然今以窮來歸且城未  
拔殺之是堅城內之心也乃使將數百騎巡城呼曰  
文欽之子猶不見殺其餘何懼又表為將軍賜爵關  
內侯城中皆喜昭因進軍克之斬誕夷三族誕麾下

數百人皆拱手為列不降每斬一人輒降之卒不變  
以至于盡吳將于詮曰大丈夫受命其主以兵救人  
既不能克又束手于敵吾弗取也乃免冑冒陳而死  
時議者以淮南仍為叛逆吳兵家在江南宜悉坑之  
昭曰古之用兵全國為上戮其元惡而已吳兵得亡  
還適可示中國之大度耳一無所殺分布三河近郡  
安處之以王基為征東將軍都督揚州諸軍事是月  
姜維聞諸葛誕死  
遂引兵還成都

夏五月魏司馬昭自為相國封晉公加九錫復辭不受  
秋八月魏主髦養老乞言于太學

養老乞言本非  
急務具失與并

田封建等况高  
貴鄉公當多事  
之時應措施者  
多矣而乃拘牽  
古義其迂可笑  
亦可憫

以王祥為三老鄭小同

康成之孫康成子益思被黃巾之難有遺腹子康成以其

子文似已名  
之曰小同 為五更

九月吳孫綝廢其主亮為會稽王冬十月迎立琅邪王

休休以綝為丞相封兄子皓

字元宗一名彭祖字皓宗

為烏程侯

孫綝以其主亮親政多所難問稱疾不朝使弟據入

宿衛恩幹閭分屯諸營以自固亮陰與全公主將軍

劉承謀誅之

全后父尚為衛將軍亮使尚子紀語尚嚴整兵馬孤當率宿衛臨橋且曰勿令

卿母知女人不曉大事且綝姊也邂逅漏泄候孤非小紀承詔以告尚尚無遠慮以語紀母母使人密語

不密害成亮之  
所以厲紀也然  
終以婦人洩漏  
不密孰甚于此

鼠矢燭奸則所  
為小事不糊塗  
耳

緄

九月緄以兵襲全尚執之殺劉承于蒼龍門外遂

圍宮亮大怒上馬帶鞭執弓欲出曰孤大皇帝適子

在位已五年誰敢不從者近臣共牽止之不得出緄

使光祿勳孟宗

字恭武  
江夏人

告太廟廢亮為會稽王以其

罪班告遠近尚書桓彝

長沙臨湘人魏  
尚書令階之弟

不肯署名緄

怒殺之遂迎琅邪王休于會稽遣亮之國

亮時年十  
六後會稽

謠言以亮當為天子  
休黜為侯亮自殺

緄於是殺全尚遷全公主于豫

章

緄以休未至欲入居宮中召百官會議皆惶怖唯  
唯遲曹郎虞記曰明公擅廢立之威誠欲上安宗

廟今迎王未至而欲入宮竊恐衆疑威非所以永終忠孝揚名于後世也

緄不憚而止 虞記字世洪

翻之

十月休至羣臣奉上璽符三讓乃受即日御正

殿大赦改元緄稱草莽臣詣闕上印綬節鉞求避賢路吳主休慰諭之以為丞相荊州牧封南陽王子皓為烏程侯

十二月吳孫緄伏誅

緄奉牛酒詣休休不受齋詣左將軍張布酒酣出怨言曰帝非我不立今上禮見拒是與凡臣無異當復

改圖耳布以告休休銜之恐其有變數加賞賜或告  
緄反休執付緄緄殺之由是益懼求出屯武昌休許  
之凡所請求無一違者將軍魏邈說休曰緄居外必  
有變衛士又告緄反休將討之密問于張布布曰左  
將軍丁奉雖不能吏書而計畧過人能斷大事乃召  
奉問計畫奉曰丞相兄弟支黨甚盛不可卒制可因  
臘會有陞兵以誅之十二月臘會緄稱疾休強起之  
不得已而入奉布目左右縛而斬之以其首令衆諸

同謀者皆赦之放仗者五千人夷緄三族

發孫峻棺取印綬斷

其棺而埋之改塋諸葛恪及盾據等其罹恪等事遠徙者一切召還有乞爲恪立碑者詔曰盛夏出軍士卒傷損無尺寸之功不可謂能受託孤之任死于豎子之手不可謂智遂寢

詔漢中兵屯漢壽守漢樂二城

建興八年諸葛亮築漢城于沔陽樂城于成固

漢城今在漢中府沔縣對樂城而言謂之西樂城樂城即成固縣南城是也今在縣南

初昭烈定漢中實兵諸圍以禦外敵敵若來攻使不

得入其後皆承此制及姜維用事建議以爲諸圍適

可禦敵不獲大利不若歛兵聚穀退守漢樂二城聽

戶外不守而却  
凡以引敵且欲  
俟其退而出搏  
之真開門揖盜  
之見劉反益以

為羅之失計漢  
所以亡良然

敵入平重關頭鎮守以捍之敵攻關不克千里運糧  
自然疲乏引退之日然後諸城並出搏之此殄敵之  
術也于是詔督漢中胡濟

字偉度  
義陽人

却屯漢壽王含守

樂城蔣斌

偉之子

守漢城

己卯二年

魏甘露四年  
吳永安二年

春正月黃龍二見魏寧陵井中

先是魏地井中屢有龍見羣臣以為吉祥魏主髦曰  
龍者君德也上不在天下不在田而數屈于井非嘉  
兆也作潛龍詩以自諷司馬昭見而惡之



秋八月陳祗卒以董厥

字龔龔義陽人

為尚書令諸葛瞻

字思遠亮

之子為僕射

祗以巧佞有寵權位在姜維之上及是卒帝為之流涕蜀人追思諸葛亮因咸愛瞻每朝廷有一善政雖非瞻所建造百姓皆傳相告曰此葛侯之所為也是以美聲溢譽或過其實

庚三年

魏元帝曹奐景元元年吳永安三年

春正月朔日食

三國志失書甲子

夏五月魏司馬昭弑其主髦于南闕下尚書王經死之

魏主髦見威權日去不勝其忿召侍中王沈尚書王

經散騎常侍王業

武陵人

謂曰司馬昭之心路人所知

也吾不能坐受廢辱今日當與卿自出討之

經曰昔魯昭公

不忍季氏敗走失國為天下笑今權在其門為日久矣朝廷四方皆為之致死不顧順逆之理且宿衛寡弱陛下何所資用而一旦如此毋乃欲除疾而更源之耶禍殆不測髦出懷中黃素詔投地曰行之決矣

正使死何懼死不必死邪

于是入白太后沈業奔走告昭呼經欲

與俱經不從髦遂拔劍升輦率殿中宿衛蒼頭官僮鼓譟而出中護軍賈充入與戰南闕下髦自用劔衆

欲退太子舍人成濟問充曰事急矣當云何充曰司馬公畜養汝等正謂今日今日之事無所問也濟即抽戈前刺髦殞于車下

濟刺髦刀出于背時大雨雷電晦明

昭聞之大

驚自投于地太傅孚奔往枕之股而哭甚哀曰殺陛下者臣之罪也昭入殿中召羣臣會議尚書僕射陳泰不至昭逼之乃入見泰悲慟昭亦對之泣曰元伯卿何以處我泰曰獨有斬賈充少可以謝天下耳昭久之曰更思其次泰曰泰言惟有進于此者不知

其次昭乃不復言以太后令罪狀髦廢為庶人葬以

民禮收王經及其家屬付廷尉尉

經謝其母母笑曰人誰不死正恐不得其

所以此并命何恨之有及就誅故吏向雄哭之哀動一市王沈以功封平安侯向雄字茂伯山陽人

太傅孚等請以王禮葬髦許之昭言成濟大逆不道

夷三族

濟不卽伏罪裸而升屋醺言恃慢自下射之方瘞

六月魏主奐立

奐燕王宇之子也本名璜封常道鄉公司馬昭迎立

之更名奐

年十五

辛巳四年魏景元二年冬以董厥諸葛瞻為將軍共平尚

書事樊建

字長元義陽人

為尚書令

時中常侍黃皓用事厥瞻咸共將護無能匡矯建特

不與皓往來

秘書令郤正久在內職與皓比屋周旋三十餘年澹然自守以書自娛既不為

皓所愛亦不為所憎故官不過六百石而亦不罹其禍

吳使薛琚

琚之子

來聘及

還吳主問漢政得失對曰主闇而不知其過臣下容

身以求免罪入其朝不聞直言經其野民皆采色臣

聞燕雀處堂子母相樂突決棟焚而怡然不知禍之

將及其是之謂乎

鮮卑索頭

鮮卑別部姓拓跋氏黃帝子昌意之苗裔也北史黃帝以土德王北俗謂土為拓謂后為

跋故以

貢質于魏

為氏

鮮卑索頭部世居北荒不交南夏至可汗

音檻寒猶漢時之單

于毛

後魏諡成帝

始彊大統國三十六大姓九十九後五

世至可汗推寅

宣帝

南遷大澤又七世至可汗鄰

諡

帝使其兄弟七人

兄訖骨氏普氏拓拔氏弟達奚氏伊婁氏邱敦氏侯氏

及族

人乙旃氏車根氏分統部衆為十族

九姓與鄰共為十族鄰老

以位授其子詰汾

蓋聖武帝

使南遷居匈奴故地詰汾死

力微

是為後魏始祖神元帝

立復徙居定襄之盛樂

漢定襄郡治後漢廢

故城在今歸化城南

部衆浸盛諸部畏服之至是始遺其子沙

漢汗

諡文帝

貢于魏因留為質

胡三省曰拓跋氏始見此

壬午五年

魏景元三年吳永安五年

冬十月姜維伐魏洮陽

明史地理志洮州西

南有臨潭城即古洮陽城洮州今屬鞏昌府

不克

維將出軍車騎將軍廖化

字元儉襄陽人

曰兵不戢必自焚

伯約之謂也智不出敵而力少于寇用之無厭何以

自存維遂伐魏攻洮陽鄧艾與戰于侯和

明史地理志洮州有

侯和破之

時黃皓用事維啟帝請殺之帝曰皓起走小臣耳往董允每切齒吾嘗恨之君何足

介意維見皓枝附葉連遜辭而出帝敕皓詣維陳謝維由是疑懼返自洮陽因求種麥畝中不敢歸成都

明史地理志洮州

西南有古畝中戍

吳以濮陽興

濮陽以地為氏興字子元陳畱人

為丞相

初吳主休在會稽興為太守遇之厚而張布嘗為左

右督將及即位二人皆貴寵用事布典宮省興關軍

國以倭巧更相表裏吳人失望

休喜讀書欲與祭酒韋昭博士盛冲講論



布以昭冲切直恐人待言已過固諫止之休曰孤欲與昭等講習藝聞亦何所損君特恐其道臣下姦慝故不欲令入耳如此之事孤已自備之不須昭等然後解也布惶恐陳謝且言懼妨政事休曰王務學業其流各異不相妨也然休恐布疑懼卒廢講業不使昭等入

韋昭字宏嗣吳郡雲陽人

魏司馬昭殺中散大夫嵇康

字叔夜其先姓奚會嵇上虞人避怨徙譙郡鉅縣家于嵇

山之側因以命氏

康文辭壯麗好言老莊而尚奇任俠與阮籍

殷有阮

孫以國為氏籍字

籍兄子咸

字仲

山濤

周官有山師其後以官為

嗣宗陳留尉氏人

氏濤字巨

向秀

字子期

王戎

字濬仲

劉伶

字伯倫

相

諸人雖自托伴  
狂垢汙然敗禮  
傷化國法所不  
容也即以明哲  
保身言亦當以  
孫登為正

友善號竹林七賢皆崇尚虛無輕蔑禮法縱酒昏酣

遺落世事

籍為步兵校尉其母卒方與人圍碁對者求止籍留與決賭既而飲酒二斗舉聲一號

吐血數斗毀脣骨立居喪飲酒無異平日司隸何曾而剪籍于司馬昭座曰卿縱情背禮敗俗之人不可長也因謂昭曰公方以孝治天下而聽籍以重哀飲酒食困于公座何以訓人宜擯之四裔無令汚染華夏昭愛籍才常擁護之咸素幸姑婢姑將婢去咸方對客遽將客馬追之累騎而還伶尤嗜酒常乘鹿車携一壺酒使人荷插隨之曰死便埋我當時士大夫皆以為賢爭慕效之謂之放達何曾字頽考陳國陽夏人

鍾會聞康名造之康箕踞而鍛

康性好鍛鍛小治也

不為

之禮會將去康曰何所聞而來何所見而去會曰聞

所聞而來見所見而去遂深銜之濤為吏部郎舉康  
自代康與濤書自說不堪流俗而非薄湯武昭聞而  
而怒康與東平呂安字仲親善安兄吳誣安不孝康  
為證其不然會因譖康嘗欲助母邱儉與安皆有盛  
名于世而言論放蕩害時亂教宜因此除之昭遂殺  
安及康康嘗詣隱者孫登字公和汲  
郡共人登曰子才多識

寡難乎免于今之世矣

魏以鍾會都督關中軍事

魏司馬昭患姜維數北伐欲大舉伐漢朝臣多以為不可獨鍾會勸之昭諭衆曰自定壽春以來息役六年治兵繕甲以擬

猶言謀也

二虜今吳地廣大而下濕攻

之用力差難不如先定巴蜀三年之後因順流之勢水陸並進此滅虢取虞之勢也今絆姜維于沓中使不得東顧真指駱谷出其空虛之地以襲漢中以劉禪之闇而邊城外破士女內震其亡可知也乃以會為鎮西將軍督關中鄧艾以蜀未有嚮屢陳異議昭

曾艾方銳意圖  
蜀蜀之君臣即  
防守阨塞尚恐  
不足禦之乃以  
閻豎信巫致使  
從中掣肘不亡  
柯待禪之庸闕  
更不止于燕雀  
處堂矣

使人諭之艾乃奉命姜維表遣左右車騎張翼廖化

督諸軍分護陽安關口

在漢中府寧羌州西北水經注謂之關城今曰陽平關營

及陰平之橋頭

今階州文縣城南有陰平橋跨白水即水經注所云白水東逕橋頭是

也以防未然黃皓信巫鬼謂敵終不自致啓帝寢其

事羣臣莫知

癸未 炎興元年

魏景元四年吳永安六年是歲漢亡

春詔立故丞相亮廟于

沔陽

亮初亡所在各求為立廟朝議以禮秩不許百姓遂

因時節私祭之于道陌上至是校尉習隆

襄陽人

等請

近其墓

亮遺命葬定軍山因山為墳在今漢中府沔縣

立一廟于沔陽以時

賜祭其故臣吏欲奉祀者皆至其廟斷其私祭以崇正禮從之

夏吳交趾殺其太守以降魏

吳交趾太守孫諸貪暴郡吏呂興殺之而請吏于魏

九真日南皆應

魏以興為將軍遣兵助之未至興為其下所殺

其後吳三攻

交趾皆敗沒已復取之

晉遣楊稷毛晃戍交趾吳將虞汜陶璜擊破之禽殺稷晃

九真日南皆還屬  
事在晉泰始七年

秋魏遣鄧艾鍾會將兵入寇關中守將傅僉

義陽人死

之姜維戰敗還守劔閣

亦曰劔門在今四川保寧府劔州東北水經注小劔戍去大劔

三十里連山絕險元和志大劔即古梁山其山峭壁千仞下瞰絕澗鑿石架空為飛梁間道以通行旅

魏遣鄧艾督三萬餘人自狄道趨甘松

嶺名元和志甘松嶺在松

州嘉誠縣西南嘉誠故城啓中

注見前

以綴姜維雍州

刺史諸葛緒督三萬餘人自祁山趨武街

水經注濁水東逕武

街城南濁水今曰下辨水在階州成縣南

橋頭絕維歸路鍾會統十萬

餘衆分從斜谷駱谷子午谷趨漢中以衛瑾

字伯玉河東安

邑人持節監軍事行鎮西軍司八月軍發洛陽漢遣廖

化為姜維繼援張翼董厥詣陽安關口為諸圍外助

大赦改元敕諸圍不得戰退保漢樂二城會平行至

漢中使兵圍二城徑趨陽安口遣人祭諸葛亮墓使

護軍胡烈

字武元遵之子

為前鋒攻關口守將傅僉拒守其

下蔣舒率衆迎降烈乘虛襲城僉格鬪而死會遂長

驅而前大得藏庫積穀維聞會已入漢中引兵還艾



遣兵追躡于彊川口

胡三省注彊川在彊臺山南地  
理今釋西傾山一名彊臺山在

今華昌府  
洮州西

大戰維敗走還至陰平合衆欲赴關城聞

其已破遇化翼厥等合兵守劔閣以拒會

冬十月吳人來援

遣使告急于吳吳使大將軍丁奉向壽春丁封

奉之弟

孫異

韶之子

向沔中救漢

魏司馬昭始稱相國晉公受九錫

初昭累辭進位爵賜至是蜀捷交主詔復授之昭乃

受命辟魏舒

字陽元任城樊人

為相國參軍

舒少時遲鈍不為鄉親所重從

叔父衛嘗使守水碓數曰舒堪數百戶長我願畢矣舒亦不以介意年四十餘辟舉上計掾察孝廉宗黨以舒無學業勸令不就可以為高舒曰若試而不中其負在我安可竊不就之高以為己榮乎于是自課百日習一經封策升第累遷後將軍鍾毓長史毓每與泰佐射朋人不足以舒滿數舒容範閑雅發無不中舉座愕然莫有敵者毓歎而謝曰吾之不足以盡卿才有如此射矣及為參軍府朝辟務未嘗是非至廢興大事衆人莫敢斷者舒徐為籌之多出衆議之表貽深器重之

衛將軍諸葛瞻及鄧艾戰于綿竹敗績及其子尚皆死

之

鄧艾進至陰平欲與諸葛緒自江油

蜀漢戍今為縣  
屬四川龍安府

趨成都緒以西行非本詔遂引兵與鍾會合會欲專

軍勢密白緒畏懦不進檻車徵還軍悉屬會姜維列

營守險會攻之不能克欲引還艾言蜀已摧折宜遂

乘之乃自陰平行無人地七百餘里鑿山通道造作

橋閣

方輿勝覽江油左擔路鄧艾伐蜀置閣道一十  
二處行者自北而南右肩不得易所負故名左

擔

山高谷深又糧運將匱瀕于危殆艾以趙自襄推

轉而下將士皆攀木緣崖魚貫而進先登至江油守

將馬逸降諸葛瞻督諸軍拒艾至涪尚書郎黃崇

權之

子

勸瞻速行據險無令敵得入平地瞻猶豫未納艾

遂長驅而前瞻退往綿竹艾以書誘瞻曰若降者表為

琅邪王瞻斬其使列陳以待艾大破之斬瞻及崇瞻

子尚曰父子荷國重恩不早斬黃皓使敗國殄民用

生何為策馬冒陳而死

鄧艾至成都帝出降皇子北地王諶死之漢亡

劉友益曰獻帝

之廢漢未亡也至此而亡矣故特揭著之

壯地王慷慨捐軀凜凜有生氣  
劉禪犁牛固不足論姜維以下  
諸將士平日咸以恢復自命乃  
俱聞風而靡無復具人心者不

漢不意魏兵卒至不為城守調度聞艾已入平地帝

使羣臣會議

或勸奔吳或勸入南中譙周以為自古無寄他國為天子者魏能并吳吳不能

并魏等為稱臣為小孰與為大再辱何與一辱若欲  
奔南當早為計今大敵已近羣心無可保者恐發道  
之日其變不測就能至南遠夷平常無所供給猶數  
反叛今外當拒敵內供服御耗損諸夷其叛必矣

乃用譙周策遣使奉璽綬詣艾降北地王譙怒曰若  
理窮力屈禍敗將及便當父子君臣背城一戰同死  
社稷以見先帝可也奈何降乎帝不聽譙哭于昭烈  
之廟先殺妻子而後自殺帝率羣臣面縛與櫬詣軍

當譙周黨國罪  
不容誅矣

門艾持節解縛焚檄延見禁將士無得虜掠輒依鄧

禹故事承制拜漢帝以下官

叔黃皓將殺之  
皓賂左右以免

姜維等

及諸郡縣圍守得敕放伏詣鍾會降將士咸怒拔刀  
斫石會厚待維等皆權還其印綬節蓋

### 吳兵還

吳聞漢亡乃罷兵

魏之伐蜀也吳人或謂張梯曰司  
馬氏得政以來大難屢作百姓未

服今又遠征何以能克梯曰不然司馬懿父子累有大  
功而任賢使能各盡其心今蜀闇宦專朝國無政令玩  
戎黷武民勞卒敝因危而伐殆無不克噫彼之得志我  
之憂也吳人笑其言至是乃服

張悌字巨先襄陽人

甲魏咸熙元年吳主孫皓  
申元興元年凡二國

春正月魏以檻車徵鄧艾鍾

會謀反伏誅監軍衛瓘襲艾殺之

鄧艾在成都頗自矜伐以書言于晉公昭請因平蜀  
之勢以乘吳宜留隴右及蜀兵煮鹽興冶竝作舟船  
豫為順流之事且王劉禪以顯歸命之寵使吳人畏  
威懷德望風而從昭使衛瓘喻艾事當須報不宜輒  
行艾曰春秋之義大夫出疆有可以安社稷利國家  
者專之可也今吳人未賓勢與蜀連不可拘常以失

事機鍾會有異志姜維知之欲構成擾亂以圖克復

乃說會曰君自淮南以來算無遺策今復定蜀威德振世欲以此安歸乎何不法陶朱公泛舟絕迹全功保身邪會曰君言達矣我不能行維曰其他則君智力之所能無煩于老夫矣由是情好懽甚

會因

艾承制專事乃與瑾密白艾有反狀詔以檻車徵艾昭恐艾不從命敕會進軍成都又遣賈充將兵入斜谷昭自將大軍從魏主幸長安令山濤為行軍司馬鎮鄴會遣瑾先至成都收艾瑾兵少會因此欲令艾殺瑾并以為艾罪瑾知之乃以夜至成都檄艾所統



諸將稱奉詔收艾其餘一無所問平旦瓘乘使者車  
徑入艾臥內執其父子置之檻車會至送艾赴京師  
會所憚惟艾艾既就擒遂決意謀反欲使姜維為前  
驅自隨其後時郭太后卒會乃悉召諸將為太后發  
哀稱遺詔使起兵廢司馬昭更使親信代領諸軍所  
召羣官悉閉諸曹屋中瓘詐稱疾篤出就外廨會信  
之無所復憚維欲使會盡殺北來諸將已因殺會復

立故漢帝

密書與帝曰願陛下忍數日之辱臣  
欲使社稷危而復安日月幽而復明

會欲

誅諸將猶豫未決護軍胡烈親兵出取飲食烈給語  
親兵及與其子淵曰會已作大坑白楮數千欲悉呼  
外兵楮殺內坑中一夜轉相告皆徧淵遂率其父兵  
出門諸軍鼓譟爭先赴城所閉諸人各緣屋出與其  
軍士共斬會及維

維死時見割  
膽如斗大

死喪狼藉瓘分部諸

將數日乃定艾本營將士追出艾于檻車迎還瓘自  
以與會共陷艾恐其為變乃遣兵襲艾父子于綿竹

西斬之

初魏軍發洛陽或問參相國軍事劉寔曰鍾  
鄒其平蜀乎寔曰破蜀必矣而皆不還客問

其故寔笑而不答及是二人皆被誅  
果如寔言 寔字子真平原高唐人

三月魏晉公司馬昭進爵為王

魏詔晉公昭進爵為王太尉王祥司徒何曾司空荀

顗

字景倩  
或之子

共詣晉王顗為祥曰相王尊重今日便當

相率而拜祥曰王公相去一階而已安有天子三公

可輒拜人者君子愛人以禮我不為也及入顗拜而

祥獨長揖昭謂祥曰今日然後知君見顧之重也

魏封故漢帝禪為安樂公

禪舉家遷洛陽大臣無從行者惟秘書令郤正及殿中督張通捨妻子單身從行正相導宜適舉動無闕禪乃慨然嘆息恨知正之晚

昭與禪宴為之作蜀技旁人皆感愴而禪喜笑

自若昭謂賈充曰人之無情乃至于是雖使諸葛亮在不能輔之久全况姜維邪他日問禪曰頗思蜀否禪曰此間樂不思蜀也正聞之謂曰若王復問宜泣而答曰先人墳墓遠在岷蜀乃心西悲無日不思因問其目會昭復問禪對如前昭曰何乃似郤正語邪禪驚視曰誠如尊命左右皆笑之

秋七月魏以羅憲

羅以國為氏憲字令則襄陽人

為陵江將軍

初漢使羅憲守永安及漢敗憲得其主手敕乃帥所

統臨于都亭三日吳聞蜀敗起兵西上外託救援內欲襲憲憲曰吳不恤我難而背盟徼利不義甚矣乃繕甲誓衆厲以節義與吳人戰大破之吳主怒遣陸

抗

字幼節遜之子

等帥衆增其圍憲被攻凡六月魏荊州刺

史胡烈救之吳師遂退晉王昭使仍舊任加號將軍

時漢建寧太守霍弋督南中聞成都守素服大臨三日諸將勸弋速降弋曰若魏以禮遇主上則保境而降萬一危辱吾將以死拒之何論遲速及得禪東還之問乃率將守上表曰臣聞人生在三事之如一唯難所在則致其命今臣國敗主附守死無所是以委質不敢有貳晉王昭善之委以本任在三語見

左傳

吳主休殂烏程侯皓立

吳主寢疾口不能言手書呼濮陽興入令子羣

讀如營

出拜把興臂指羣託之而殂

諡曰景帝

吳人以蜀初亡恐

懼欲得長君左典軍萬彧嘗為烏程令與烏程侯皓

善稱皓才識明斷加之好學奉遵法度興與左將軍

張布言于朱太后乃迎立之吳主貶朱太后為景皇后

追諡父和曰文皇帝尊母何氏為太后

吳主初立發優詔恤

士民開倉廩賑貧乏當時稱為明主及既得志應暴  
驕盈多忌諱好酒色大小失望與布竊悔之或譖諸  
吳主乃因與布八朝執之徙于廣州道  
殺之夷三族明年復殺景后及其二子

八月魏司馬昭以其子中撫軍炎

卽晉世祖

為副相國冬十

月立為晉世子

初晉王昭娶王肅之女生炎及攸

字大猷

以攸繼景王

後攸性孝友多材藝清和平允名過于炎昭愛之常

曰天下者景王之天下也吾百年後大業宜歸攸欲

以為世子山濤曰廢長立少違禮不祥賈充何曾裴

秀亦以為言乃遂立炎

乙魏熙咸二年晉世祖武皇帝司馬炎泰始元  
酉年吳甘露元年是歲魏亡晉代凡二國

秋八月

魏晉王司馬昭卒子炎嗣

諡昭為文王葬崇陽陵

在河南府洛陽縣東南

冬吳遷都武昌

從西陵督步闡

子闡少

之請也

武昌塔埏揚民沂流供結若之謠言云寧飲建

業水不食武昌魚寧還建業死不止武昌居陸凱以為言明年又復還建業陸凱字敬風避族子

十二月晉王炎稱皇帝廢魏主為陳留王



乎雖未與廢立之謀然身為上公曾不知大義減親或極言規正或為國討賊事執已去乃以拜辭涕涕自號純臣遺令猶稱魏貞士其誰欺乎

魏主禪位于晉出舍金墉城

在河南府洛陽縣東北魏明帝築

太傅

司馬孚拜辭流涕歔歔不自勝曰臣死之日固大魏之純臣也晉王即皇帝位奉魏主為陳留王即宮于

鄴魏氏諸王皆降為侯

魏自文帝篡漢至陳留王凡五主合四十六年

追尊

宣王景王文王為皇帝尊王太后曰皇太后

### 晉大封宗室

晉主懲魏氏孤立之敝故大封宗室授以職任

叔祖父

為安平王太宰都督中外諸軍事叔父荀勗又

弟攸齊王其餘封各有差 荀勗字子將宣帝子

詔諸王皆得自選國中長吏

齊王獨不敢皆上請

晉除漢魏宗室禁錮罷將吏質任

初魏禁防宗室甚峻又禁錮諸劉皆不得仕進其諸將征戍及長吏仕州郡者俱留質任于京師及是晉悉除罷之

晉初置諫官

胡三省曰漢有諫大夫後漢有諫議大夫魏不復置晉以散騎常侍拾遺補闕卽諫

官職也

晉以散騎常侍傅元

字休奕北地泥陽人

及皇甫陶共掌諫職

元以魏末士風頹敝上疏言之

累曰臣聞先王之御天下教化隆于上清

議行于下近者魏武好法術而天下貴刑名魏文慕通達而天下賤守節其後綱維不攝放誕盈朝遂使天下無復清議陛下龍興受禪未舉清遠有禮之臣以敦風俗未退虛鄙之士以懲不恪臣是以猶敢有言

晉主嘉納使元草詔以進然亦不能革也

丙晉泰始二年  
戊吳寶鼎元年春正月晉立七廟

卽用魏廟祭征西府君

名鈞字叔平

以下凡七室

征西將軍鈞孫

章太守量潁川太守雋京兆尹  
防興宣帝景帝文帝為七廟

晉除郊祀五帝座

羣臣奏五帝卽天帝也王氣時異故名號有五自今明堂南郊宜除五帝座從之晉主王肅外孫故郊祀之禮有司多從肅議

三月吳遣使如晉弔祭

以文帝之喪也使耆丁忠還說吳主曰北方無守戰

之備弋陽

漢縣魏為郡今河南光州是

可襲而取吳主以問羣臣

鎮西大將軍陸凱曰北方新并巴蜀而遣使來和

先是

晉遣使耆致書吳主

非求援于我也欲蓄力以俟時耳敵勢方

疆而欲傲倖求勝未見其利也吳主雖不出師然遂與晉絕

夏六月丙午晦日食

秋八月晉主謁崇陽陵

文帝之喪臣民皆從權制三日除服既葬晉主亦除之然猶素冠疏食哀毀如居喪者至是謁陵詔以衰經從行羣臣自依舊制尚書令裴秀奏曰既除復服義無所依遂止中軍將軍羊祜

字叔子泰山南城人

謂傅元曰

三年之喪雖貴遂服禮也而漢文除之毀禮傷義今  
主上至孝雖奪其服實行喪禮若因此復先王之法  
不亦善乎元曰以日易月已數百年一旦復古殆難  
行也祐曰不能使天下如禮且使主上遂服不猶愈  
乎元曰主上不除而天下除之此為有父子而無君  
臣也乃止羣臣請易服復膳詔曰每念不得終苴經  
之禮以為沈痛況食稻衣錦乎朕本諸生家傳禮來  
久何至一旦易此情于所天可試省孔子答宰我之

言無事紛紜也遂以疏素終三年

司馬氏光曰三年之喪自天子達于庶人此先王禮經百世不易者也漢文師心不學變古壞禮後世帝王不能篤于哀戚之情而羣臣諂諛莫肯釐正至于晉武獨以天性矯而行之可謂不世之賢君而裴傳之徒固陋庸臣習常玩故不能將順其美惜哉

冬十月丙午朔日食

晉罷山陽督軍除其禁制

胡三省注魏奉漢帝為山陽公置軍防衛至是人心去漢

已久故罷之

十一月晉并園方丘之祀于南北郊

丁晉泰始三年  
亥吳寶鼎二年

春正月晉立子衷

字正

為太子

詔以近世每立太子必有赦曲惠小人朕無取焉遂

不赦

晉徵犍為李密

字令伯犍為武陽人

不至

晉主徵李密為太子洗

蕪典反

馬

續漢志洗馬職如謁者太子出則當直者

在前導威儀

密以祖母老固辭許之密與人交每公議其

得失而切責之常言吾獨立于世顧影無儔然而不

懼者以無彼此于人故也



夏六月吳作昭明宮

晉太康地記吳有太初宮權所起昭明宮時所造昭明在太初之東

方五  
百丈

吳主作昭明宮二千石以下皆自入山督伐木大開  
苑囿起土山樓觀窮極伎巧功費以億萬計丞相陸

凱中書丞華覈

字永先吳郡武進人

切諫不聽

先是吳主還自武昌后滕氏寵

衰諸姬佩皇后璽殿者甚衆又使黃門徧行州郡料  
取將吏家女其二千石大臣子女皆歲歲言名簡閱  
不中乃得出嫁于是後宮千數被服華麗因之民俗  
滋奢華覈上疏曰今事多而役繁民貧而俗侈百工  
作無用之器婦人爲綺靡之飾不勤蠶桑並繡黼黻  
兵民之家亦皆逐俗內無擔石之儲出有綾綺之服

至于富商大販奢恣尤甚上無尊卑等級之差  
下有耗財費力之損欲求富給其可得乎不聽

秋七月晉禁星氣讖緯之學

胡三省注星為星者氣謂望氣者讖緯之學後漢以

來有之

戊晉泰始四年  
子吳寶馬三年

春正月晉律令成

先是晉主命賈充等正法律至是充等上所刊修律

令

充等就漢律九章增十一篇合二十篇六百二十條其不入律者悉以為令合二千九百二十六條

晉主親自臨講中書侍郎張華

字茂先范陽方城人

請抄死罪

條目懸以示民從之

晉詔立考課法不果行

詔河南尹杜預

字元凱  
恕之子

為黜陟之課

預奏古者黜陟  
擬議于心不泥

于法末世疑心而信耳目疑耳目而信簡書簡書愈繁官方愈偽魏氏考課即京房之遺意其文可謂至密然失于苛細以違本體故歷代不能通也豈若中唐堯舊制去密就簡委任達官各考所統歲第其人言其優劣如此六載主者總集扶策其言六優者起擢六劣者廢免優多劣少者平叙劣多優少者左遷其有優劣徇情不協公論者當委監司彈之若令上下公相容過此為清議大類雖有考課之法亦無益也

事竟不行

晉主親耕籍田

三月晉太后王氏殂

晉主居喪一遵古禮既葬有司請除衰服詔曰受終身之愛而無數年之報情所不忍也有司固請詔曰患在不能篤孝勿以毀傷為憂前代典禮質文不同何必限以近制使達喪闕然乎羣臣請不已乃許之然猶素服以終三年

夏四月晉太保王祥卒

祥卒門無雜弔之賓其族孫戎嘆曰太保當正始之

王祥以孝行稱  
乃為趙太尉而

復仕典午求忠  
臣于孝子之門  
之謂何

世不在能言之流及間與之言理致清遠豈非以德  
掩其言乎

胡三省注曰王祥之所以可尚者孝子後母與不拜  
晉王耳君子猶謂其任人柱石而傾人棟梁也理致  
清遠言乎德乎清談之禍迄  
于永嘉流及江左猶未已也

秋七月衆星西流如雨而隕

九月晉大水

己晉泰始五年春二月晉以羊祜督荊州諸軍事  
丑吳建衡元年

晉主有滅吳之志使祜都督荊州鎮襄陽祜綏懷遠

近甚得江漢之心與吳人開布大信降者欲去皆聽之減戍邏之卒以墾田八百餘頃其始至軍無百日之糧及季年乃有十年之積祐在軍常輕裘緩帶身不被甲鈴閣之下侍衛不過十數人

晉錄用故漢名臣子孫

濟陰太守文立

字廣休巴西人

言故蜀名臣子孫宜量才叙

用以慰巴蜀之心傾吳人之望晉主從之

詔曰諸葛亮在蜀盡

其心力子瞻臨難死義其孫京宜隨才署吏蜀將傅  
食父子死于其主息著募没入奚官宜免為庶人

息子也募募二子名吳官少  
府屬凡男女沒入者屬焉

秋九月有星索于紫宮

冬十月吳左丞相陸凱卒

凱竭心公家忠懇內發表疏事指事不飾都尉何定

汝南人前為大帝給使吳主即位信任之

方用事專為威福凱面責其姦

邪定大恨之及是凱疾病吳主遣人問所欲言凱陳

定不可信用因薦樓元

字承先  
新人

賀邵

字興伯  
齊之孫

張悌及

族弟抗等清忠卓茂可訪以時務遂卒吳主素銜凱

切直且入何定之譖竟徙其家于建安

本漢東侯官地三國吳置

縣今為福建

建寧府治

庚晉泰始六年夏四月吳以陸抗都督諸軍治樂鄉

城名在荊州府

之松滋縣水經注江水南逕  
屬陵縣之樂鄉城陸抗所築

抗以吳主政事多闕上疏曰德均則衆者勝寡力侔則安者制危此六國所以并于秦西楚所以屈于漢也今敵之所據廣于秦漢而國家外無連衡之援內無西楚之彊庶政陵遲黎民未乂議者徒以長江峻



山限帶封域此乃守國之末事非智者所先也臣每  
念及此中夜撫枕臨餐忘食謹陳時宜十七條吳主  
不納

六月晉秦州刺史胡烈討鮮卑秃髮樹機能

樹機能之祖曰壽闇

在孕時其母相掖氏寢而產于被中鮮卑謂被為秃髮因而氏焉此卽南涼秃髮烏孤之五世祖

敗死

先是鄧艾納鮮卑降者置雍涼之間與民雜居朝廷

恐其久而為患乃分置秦州

統隴西南安天水畧陽武都陰平等郡治冀城以

胡烈為刺史至是樹機能作亂烈討之敗死明年樹

機能與北地叛胡圍金城涼州刺史牽宏

觀津人魏牽貽次子

復為所殺

初陳騫言于晉主曰胡烈牽宏皆勇而無謀殲于自用非緩遠之材也將為國恥晉主

不以為然及是二人皆兵敗身死征討連年僅而能定晉主悔之

辛卯晉泰始七年吳建衡三年

春正月吳主大舉兵出華里

胡三省注在建業西

遇雪還

綱目作不至而還據分注皓出華里西上則已過華里而西非不至也今改書

吳人刁元

風俗通置刁之後以名為氏元丹陽人

詐增識文云黃旗紫

蓋見于東南終有天下者荆揚之君

又得降人言壽春有童謠云吳

天子在上

吳主信之大舉兵出華里載太后及后宫數千

人西上

皓意蓋欲直至  
壽春以應詔言

行遇大雪兵士寒凍殆死皆

曰若遇敵便當倒戈吳主乃還

先是吳散騎常侍王  
蕃氣體高亮不能承

顏順旨吳主不悅萬或從而語之蕃遂被殺及吳主  
出華里或恐其不歸與左將軍留平有密謀吳王頗聞之  
後因會以毒酒飲或及平不死或自殺  
平憤懣而卒王蕃字永元廬江人

冬十月丁丑朔日食

晉安樂公劉禪卒

諡曰  
思

壬晉泰始八年  
辰吳鳳凰三年

春二月晉太子衷納妃賈氏

初侍中尚書令賈充自文帝時寵任用事晉主為太

子充頗有力故益有寵充為人巧諂與太尉荀勗侍

中荀勗

字公會  
潁川人

越騎校尉馮純

字少曹  
安平人

相為黨友朝

野惡之

晉主嘗問侍中裴楷以方今得失對曰陛下  
受命四海承風所以未

以賈充之徒尚在朝且宜引天下賢人與宏  
政道不宜示人以私

裴楷字叔則秀從弟

愷

字元發樂  
安博昌人

河南尹庾純

庾氏堯時掌庾大夫以官  
命氏純字謀甫郿陵人

皆與充不協會樹機能亂秦雍晉主以為憂愷及純  
因薦充使督秦涼諸軍充患之問計于勗勗曰是行  
也辭之實難獨有結婚太子可不辭而自留矣晉主

初欲為太子娶衛瓘女充妻郭槐賂楊后

華陰人晉主卽位立

為皇

左右使后說納其女

晉主曰衛公女有五可貴公女有五不可衛氏種賢

而多子美而長白黃氏種妬而少子醜而短黑后固以為請

至是勗與顓統皆稱

充女絕美且有才德晉主遂從之留充復居舊任

賈妃

年十五長太子二歲妬忌

多懼詐太子嬖而畏之

晉太宰安平王孚卒

諡曰惠

孚性忠慎宣帝執政常自退損後逢廢立之際未嘗

預謀及晉主即位恩禮尤重孚雖見尊寵常有憂色臨

終遺令曰有魏貞士河內司馬孚字叔達不伊不周  
不夷不惠立身行道終始如一當衣以時服歛以素  
棺卒年九十三

夏晉以王濬

字士治  
湖人

為益州刺史

初濬為羊祜參軍祜深知之或曰濬為人志大奢侈  
不可專任祜曰濬有大才將以濟其所欲必可用也

至是濬為廣漢太守會益州軍亂

牙門張弘毅刺史  
皇甫晏縱兵抄掠

濬發兵討平之詔以濬為益州刺史先是汶山白馬

注俱見前諸羌胡相侵掠及濬至明立威信蠻夷歸附俄

遷大司農時晉主與羊祜謀伐吳祜以為宜藉上流之勢密表留濬加龍驤將軍監梁益軍詔使罷屯田兵

大作舟艦

于是作大艦長百二十步受二千餘人以木為城起樓櫓開四門出其上可馳馬往

來時木梯蔽江而下吳建平

吳郡杜佑曰即巴東

太守吾彥

字士

則吳人取以白吳主曰晉必有攻吳之計宜增建平兵

以塞其衝吳主不從彥乃為鐵鎖橫斷江路

秋九月吳步闡以西陵叛降晉

闡世在西陵至是吳主徵之闡自以失職且懼有讒  
遂據城降晉

冬十月辛未朔日食

十一月吳陸抗拔西陵誅步闡晉羊祜等救之不及

抗聞闡叛急遣將軍吾彥討之晉遣荊州刺史楊肇  
迎闡羊祜出江陵以救之抗救西陵諸軍築嚴圍內  
以圍闡外禦晉兵而自帥衆赴之已而肇至西陵抗  
自將憑圍肇攻之不克夜遁抗使輕兵躡其後肇兵



羊祜刈穀償絹  
送還獵獸特用  
是愚弄邊界之  
人豈真所云修  
德信者甚至遺  
酒饋藥使命頻  
通不惟身犯外  
交直廢棄君律  
矣論者率以此  
事為賢故不可  
以不辨

大敗祜已至江陵聞之引軍還抗遂拔西陵誅闡夷

三族吳主既克西陵志益張大使術士尚廣筮取天

下對曰吉庚子歲青蓋當入洛陽吳主喜不修德政

專為兼并之計

祜歸自江陵務修德信以懷吳人每交兵刻日方戰不為掩襲之計將帥

有欲進諷計者輒飲以醇酒使不得言軍行吳境刈穀為糧皆計所侵送絹償之每遊獵常止晉地所得

禽獸或先為吳人所傷者皆送還之于是吳邊人皆悅服祜與陸抗對境使命常通抗遺祜酒祜飲之不

疑抗疾祜與之成藥抗即服之人多諫抗抗曰豈有醖人羊叔子哉抗告其邊戍曰彼專為德我專為暴

是不戰而自服各保分界而已無求細利吳主聞而責之抗曰一邑一鄉不可以無信義況大國乎臣不

如此適足彰彼之德于祐無傷也祐不附結中朝權貴荀勗馮統之徒皆惡之從甥王衍嘗詣陳事辭甚清辯祐不然之行拂衣去祐顧謂客曰王夷甫方當以或名處大位然敗俗傷化必此人也及攻江陵祐以軍法將新王戎戎行之從兄也故皆憾之時人為之語曰二王當國羊公無德

晉免河南尹庾純官尋復以為國子祭酒

晉初立國子學置祭酒博

士各一人

賈充與朝士宴河南尹庾純醉與充爭言充曰父老不歸養卿為無天地純曰高貴鄉公何在充慙怒上表解職純亦自劾詔免純官仍下五府正其臧否石

苞字仲容渤海南皮人先為揚州都督徵還以樂陵郡公就第以純榮宦忘親當

除名齊王攸以為純于禮律未有違者詔復以純為

祭酒

吳殺其大司農樓元

吳主以樓元為宮下鎮名官主殿中事元正身帥眾奉

法而行應對切直吳主浸不悅中書令賀邵諫臣聞

興國之君樂聞其過荒亂之主樂聞其譽聞其過者過日消而福臻聞其譽者譽日損而禍至陛下嚴刑

法以禁直辭黜善士以逆諫口是以正士摧方肅臣苟媚非所以保洪緒也吳主深恨之

于是左右誣元與邵謗訕政事俱被詰責徙元于廣

州竟殺之

後邵病中風不能言吳主疑其詐收掠千數卒無一語乃燒鋸斷其頭韋昭領國史

吳主欲為其父作紀昭曰文皇不登帝位當為傳吳主不悅人有言祥瑞者吳主以問昭昭曰此家人箱

篋中物耳吳主以積怒遂誅之陳聲為司市吳主愛姬使人入市奪民物聲繩之以法吳主怒假他事殺

之投其身于四望之下又湘東太守張詠以不出算緡會稽太守車浚以郡饑求賑皆令梟首尚書熊睦

微諫以刀環撞殺之身無完膚嘗與羣臣飲問中書令張尚曰孤飲酒可以方誰尚曰陛下有百觚之量

吳主怒曰尚知孔某不王而以孤方之遂殺尚四望山名在今江寧府城西北百觚見孔叢子堯舜千

鍾孔子

百觚

癸晉泰始九年夏四月戊辰朔日食  
己吳鳳凰二年

晉以鄧艾孫朗為朗中

初鄧艾之死人皆知其冤而莫為之辨者及晉主郎

位議郎段灼

字休然敦煌人

上疏理之

疏曰艾本屯田掌犢人寵位已極功名已

成七十老公復何所求正以劉禪初降遂郡未附橋  
令承制權安社稷鍾會有悖逆之心畏艾威名因其  
疑似構成其事艾被詔書即束身就縛誠知奉見先  
帝必無當死之理也會受誅之後艾將吏愚慙自共  
追艾解其囚執艾在困地未嘗預謀而受腹背之誅  
豈不哀哉謂宜聽艾歸葬還其田宅繼封定諡則艾  
死無所恨而天下徇名之士思  
立功之臣亦樂為陛下死矣

晉主善其言而不能

從也至是問給事中樊建

故蜀臣

以諸葛亮之治蜀建

稽首曰陛下知鄧艾之寃而不能直雖得亮得毋如

馮唐之言乎晉主笑曰卿言起我意乃以朗為郎中

秋七月丁酉朔日食

晉選公卿女備六宮

晉主詔選公卿以下女備六宮有蔽匿者以不敬論

采擇未畢權禁天下嫁娶

明年又取良家女及小將吏女五千餘人入宮選之

母子號泣于宮

中聲聞于外

甲晉泰始十年春正月乙未朔日食晉書武帝紀泰始十年日食但有三

月癸亥不書晦朔而無  
正月乙未今依通鑑

晉詔自今不得以妾媵為正嫡

晉主以近世多由內寵以登后亂尊卑之序故有是詔

三月癸亥日食

秋七月晉后楊氏殂

初晉主以太子不慧恐不堪為嗣常密以問后后曰  
立子以長不以賢豈可動也疾篤恐晉主更立后以

危太子泣而言曰叔父駿

字文長華陰人

女芷有德色願以

備六宮晉主許之

既葬晉主及羣臣除喪博士陳達議以為今時所行漢帝權制太子

無國事自宜終服尚書杜預曰古者天子諸侯三年之喪始同齊斬既葬除服諒闇以居心喪終制故周公不言高宗服喪三年而云諒闇此服心喪之文也君子之于禮存諸內而已禮非玉帛之謂喪豈衰麻之謂乎太子出則撫軍守則監國不為無事宜卒哭除衰麻而以諒闇終三年晉主從之

晉以山濤為吏部尚書

濤典選十餘年每一官缺輒擇才資可為者啓擬數人得詔旨所向然後顯奏之晉主所用或非舉首衆



以濤輕重任意為言晉主益親愛之濤甄拔人物各為題目而奏之時稱山公啟事

晉以嵇紹

字祖延

為秘書丞

紹康之子也以父得罪屏居私門至是山濤薦徵之紹欲辭不就濤謂之曰為君思之久矣天地四時猶

有消息況于人乎紹乃應命

初東關之敗文帝問察屬曰近日之事誰任其

咎安東司馬王儀對曰責在元帥文帝怒曰司馬欲

委罪于孤邪

斬之

儀子哀痛

父非命

隱居

教授

三徵

七辟

皆不就

未嘗西向而坐廬于墓側且夕攀栢悲號涕淚著樹樹為之枯讀詩至哀哀父母生我劬勞

未嘗不三復流涕門人爲之廢蓼莪家貧計口而田  
度身而蠶人或饋之不受助之不聽諸生密爲刈麥  
哀輒棄之遂不仕而終王  
儀字朱表修之子哀字偉元

吳大司馬荊州牧陸抗卒

抗疾病上疏曰西陵建平國之藩表旣處上流受敵

二境若敵汎舟順流星奔電邁非可恃援他部以救

倒懸此乃社稷安危之機也臣死之後乞以西方爲

屬及卒吳主使其子晏景

字士元機字士雲字士

分將其兵機雲皆善屬文名重于世

初周鯨之子處  
膂力絕人不修

善屬文而無臨  
敵材乃命分將  
父兵國之不恤  
入豈所以恤抗  
乎代斷傷手莫  
甚于此

細行鄉里忠之處嘗問父老曰今時和歲豐而人不樂何也父老歎曰三害不除何樂之有處曰何謂也曰南山白額虎長橋蛟井子為三矣處曰若患止此吾能除之乃射虎殺蛟遂從機雲受學薦志讀書砥節礪行比及期年州府交辟南山即荆南山孫皓封為南嶽在今常州府荆溪縣南長橋在荆溪縣治南周處字子隱

晉作河橋

以舟相比為梁而渡在河南懷慶府孟縣南

杜預以孟津渡險請建河橋于富平津

杜佑曰在河陽縣南

陽注見前議者難之預曰造舟為梁河橋之謂也卒成之

晉邵陵公曹芳卒

諡曰厲

芳廢凡二十一年卒

初芳之廢也中即范粲素服拜送哀動左右遂稱疾陽狂不言

寢所乘車足不履地子儁等侍疾家庭足不出邑里从晉代魏詔以二千石祿養病加賜帛百匹儁以父疾篤辭不敢受粲不言凡三十六年年八十四終于所寢之車 范粲字承明陳留外黃人

吳比三年大疫

乙晉咸寧元年

未吳天冊元年 秋七月甲申晦日食

冬晉追尊祖廟

宣帝為高祖景帝為世宗文帝為太祖

晉大疫

丙晉咸寧二年

申吳天璽元年 春晉徙河南尹夏候和字義權為光祿勳

晉主得疾甚劇朝野皆屬意于齊王攸攸妃賈充長

女也

充先娶李豐女生二女長曰荃為齊王攸妃

河南尹夏候和謂充曰

卿二婿親疎等耳

謂攸及太子

立人當立德充不答攸素

惡荀勗馮統傾諂及晉主疾愈勗使統說晉主曰陛

下前日疾若不愈齊王為公卿百姓所歸太子雖欲

高讓其得免乎宜遣歸藩以安社稷晉主陰納之乃

徙和為光祿卿奪充兵權而位遇無替

秋八月吳臨平湖

在浙江杭州府仁和县西北

開歷陽山石印封發

吳志天冊元年都陽言歷陽山石文理成字胡三省曰  
鄱陽郡無歷陽有歷陵饒州圖經亦載鄱陽歷陵縣有  
石印山考歷陵故縣在今九江府德安縣與志不載有  
石印山惟和州之歷陽山輿地紀勝以為即孫皓所祭  
之石印山蓋仍吳志之文  
也今以二說並注于此

吳人或言于吳主曰臨平湖自漢末歲塞長老言湖  
塞天下亂湖開天下平近者無故忽開此天下當太

平青蓋入洛之祥也吳主以問都尉陳訓

字道元歷陽人

對

曰臣止能望氣不能達湖之開塞退而告其友曰青

蓋入洛者銜璧之事也初吳人掘地得銀尺上有刻

文吳主因改元天冊又或獻小石刻皇帝字復改元

天璽至是歷陽長上言歷陽山石印封發俗謂當太

平

江表傳歷陽縣有石山臨水高百丈其三十丈所有七穿駢羅穿中色黃赤謂之石印發則天下太

平吳主遣使者祠之封其山為王又改明年元曰天紀

冬十月晉加羊祜征南大將軍

祜上疏請伐吳曰期運雖天所授而功業必因人而成  
蜀之為國皆云一天荷戟千人莫當及進兵之日曾無  
藩籬之限乘勝席卷徑至成都誠以力不足以相抗也

今江淮之險不如劍閣孫皓之暴過于劉禪吳人之困甚于巴蜀而大晉兵力盛于往時若引梁益之兵水陸

俱下荆楚之衆進臨江陵平南豫州

胡奮為平南將軍王戎為豫州刺史

直指夏口徐揚青兗並會秣陵以一隅之吳當天下之衆勢分形散所備皆急一處傾壞則上下震蕩雖有智者不

能為吳謀矣晉主深納之

時議者多有不同賈充荀勗馮紇尤以為不可詰歎曰天

下不如意事十常居八九元與不取豈非更事者恨于後時哉惟杜預及中書令張華與晉主意合贊成其計

晉立后楊氏以后父駿為車騎將軍



晉主初聘后后叔父玼

字文琚

上表曰自古一門二后

未有能全其宗者乞藏其表于宗廟異日得以免禍

晉主許之竟立后而以駿為將軍封侯

駿驕傲自得鎮軍胡奮謂

曰卿恃女更益豪邪歷觀前世與天家婚未有  
不滅門者但早晚事耳胡奮字元威烈之子

丁晉咸寧三年春正月丙子朔日食

酉吳天紀元年

秋七月有星孛于紫宮

晉詔遣諸王就國封功臣為公候

晉主詔諸王各以戶邑多少為三等大國置三軍

五千

人 次國二軍

三千人

小國一軍

一千一百人

諸王為都督者

各徙其國使相近其無官者皆遣就國異姓之臣有

大功者封郡公郡侯

羊祜封南城郡侯固辭不受祜歷事二世職典樞要凡謀議皆

焚其草世莫得聞所進達之人皆不知所由常曰拜官公朝謝恩私門吾所不取也

晉大水

冬十二月索頭拓跋力微死

先是力微子沙漠汗在洛陽以親老求歸晉主許之已而復入貢于魏當還衛瓘表留不遣陰以金帛賂遺諸部大人令

致間隙至是沙漠汗歸國諸部大人譖而殺之力微以憂死

年一百四子悉祿立

後魏謚章帝

諸部離散其國遂衰

戊戌晉咸寧四年

春正月庚午朔日食

夏六月晉羊祜入朝

祜以病求入朝既至面陳伐吳之計晉主善之以祜

病不能數入更遣張華就問籌策祜曰孫皓暴虐已

甚于今可不戰而克若皓沒更立令主雖有百萬之

衆長江未可窺也華深然之祜曰成吾志者子也

晉主

欲使祐卧護諸軍祐曰取吳不必  
臣行但既平之後當勞聖慮耳

秋晉大水螟

詔以水災問主者何以佐百姓社預上疏以為今者  
水災東南尤劇宜敕兗豫等州畱漢氏舊陂以蓄水  
餘皆決漚令饑者得魚菜螺蚌之饒此目下日給之  
益也水去之後填淤之田畝取數種此又明年之益  
也典牧種牛有四萬五千餘頭可給民使耕種責其  
租稅此又數年以後之益也晉主從之民賴其利

在預

尚書七年損益庶政不可勝數時人謂之杜武庫言其無所不有也

### 冬晉以衛瓘為尚書令

是時朝野咸知太子昏愚不堪為嗣瓘欲啟而不敢

會侍宴凌雲臺

在洛陽縣魏文帝所造登之可見孟津

瓘陽醉跪晉主

前欲言而止者三因以手撫牀曰此座可惜晉主意

悟因謬曰公真大醉邪遂悉召東宮官宴而密封尚

書疑事令太子決之賈妃大懼倩外人代對多引古

義給事張泓曰太子不學陛下所知不如直以意對

有子不能自知  
聞言又不能自  
試徒以密封附  
令裁決欲不為  
張泓所責得乎

妃喜謂泓曰便與我好答富貴與汝共之泓即具草  
令太子自寫晉主省之甚悅先以示瓘瓘大踧踖衆  
人乃知瓘嘗有言也賈充密遣人語妃云衛瓘老奴  
幾破汝家

十一月晉詔毋得獻奇技異服

晉太醫司馬程據獻雉頭裘晉主焚之于殿前因有  
是詔

晉以杜預為鎮南大將軍都督荊州諸軍事鉅平

漢縣  
晉末

省故城在宛  
州府寧陽縣

侯羊祜卒

諡曰成

祜疾篤舉預自代而卒晉主哭之甚哀祜遺令不得

以南城侯印入柩晉主曰祜固辭歷年身沒讓存今

聽復本封以影高美南州民聞祜卒罷市巷哭吳守

邊將士亦為之泣

祜好遊峴山襄陽人建碑立廟于其地歲時祭祀望其碑者無不流

涕因謂之隨淚碑 峴山在襄陽縣南亦曰峴首山

晉清泉侯傳元卒

元性峻急為司隸每有奏劾或值日暮捧白簡整簪

帶竦踊不寐坐而待旦由是貴游震懾臺閣生風卒

諡曰剛

時司空何曾亦辛曾厚自奉養過于人主博士秦秀議曰曾驕侈過度名被九域若生極其情

死又無貶王公貴人復何畏哉謹按諡法名與實爽曰繆怙亂肆行曰醜宜諡繆醜公晉主策諡曰孝

秦秀字元

良新興人

已晉咸寧五年

春晉以冒奴劉淵

字元海

為左部帥

胡三省曰

劉淵事

始此

初南匈奴自謂其先本漢室之甥因冒姓劉氏魏太祖

留單于呼厨泉于鄴分其衆為五部使居并州境



內左賢王豹

呼厨泉兄子

為左部帥部族最强

晉文帝以卸父言分

左部為二國立右賢王去卑子使居雁門

淵豹之子也幼而儒異師事上

黨崔游

字子相

博習經史嘗謂同門生曰吾嘗恥隨陸

無武絳灌無文于是兼學武事及長猿臂善射膂力

過人姿貌魁偉為任子在洛陽王渾及其子濟

字武子

皆重之薦于晉主曰淵有文武長才陛下任以東南

之事吳不足平也孔恂楊琰曰非我族類其心必異

不可重任時樹機能方陷涼州晉主問將于李意

字子

和上對曰陛下誠假淵一將軍之號使將之而西樹

機能之首可指日而梟也恂曰淵果梟樹機能則涼

州之患方更深耳晉主乃止

東萊王彌家世二千石  
彌有學術勇畧善騎射

青州人謂之飛豹淵與彌友善謂彌曰王季以鄉曲  
見知每相稱薦為過足為吾患耳因縱酒長嘯飲流  
涕齊王攸聞之言于晉主曰陛下不除劉淵臣恐井  
州不能久安王渾曰大晉方以信懷殊俗奈何以無  
形之疑殺故人侍會豹卒以淵代為左部帥

冬十一月晉大舉兵分道伐吳

晉益州刺史王濬上疏曰孫皓荒淫兇逆

皓每宴羣  
臣咸令沉

醉又置黃門郎十八人為司過宴罷之後奏其闕失或刺人面或擊人眼

宜速征伐臣

作船七年且有朽敗臣年七十死亡無日願陛下無失事機晉主于是決意伐吳會王渾言孫皓欲北上邊戍皆戒嚴乃更議明年出師杜預上表言之未報

復具表言

畧曰羊祜不博謀而與陛下計故令朝臣多異同之議凡事當以利害相校今此舉

之利十有八九而其害止于無功耳若又中止孫皓怖而生計徙都武昌完修江南諸城遠其居民城不可攻野無所掠則明年之計亦無及矣晉主方與張華圍碁預表適至

華推枰斂手曰陛下聖武國富兵彊吳主淫虐誅殺

山清外寧內憂之說非聖守老生常談特欲附和賈充苟弼輩耳然彼時禍本既成縱使不平吳亦何益之有固不得以是為祐濟談議也

賢能今討之可不勞而定願勿以為疑晉主乃許之

以張華為度支尚書量計運糧賈充荀勗馮統同爭之晉主大怒充免冠謝罪山清退而告人口自非聖

人外寧必有內憂今釋

十一月遣將軍琅瑯王伷

由東

吳為外懼豈非等乎

亮徙及王渾王戎胡奮杜預王濬唐彬

字儒宗魯國人

等將

兵二十餘萬分道伐吳

十二月晉將軍馬隆

字孝興東平平陸人

破樹機能斬之涼州平

先是樹機能陷涼州晉主臨朝而歎曰誰能為我討此虜者司馬督馬隆進曰臣願募勇士三千人無問所

從來帥之以西虜不足平也晉王許之以為討虜將

軍武威太守

隆募能引弓四鈞挽弩九石者立標簡試得三千五百人隆曰足矣又請自至

武庫選仗晉主命惟所取

仍給三年軍資而遣之

隆西渡溫水

胡三省注武威東有溫園

水樹機能以衆數萬據險拒之

隆以山路隘隘乃作扁箱車為木屋施于

車

隆轉戰而前殺傷甚衆至武威鮮卑大人帥萬餘

落降隆與樹機能大戰斬之涼州遂平


晉詔議省吏員

詔問朝臣以政之損益司徒長史傅咸

字長虞上書

以為公私不足由設官太多當今之急在并官省役  
務農而已遂議省州郡縣半吏赴農功中書監荀勗  
以為省吏不如省官省官不如省事省事不如清心  
若直作大例天下之吏悉省其半恐郡國職業劇易  
不同不可以一概施之若有曠闕皆須吏復或激而  
滋繁亦不可不重也

御批歷代通鑑輯覽卷二十九



總校官進士臣程嘉謨

校對官編修臣江德量

謄錄監生臣佺景奎